

明
清
史
料

乙編 第四本

(96356·1B5)

明 清 史 料
乙 十
編 本

版 權 所 有 翻 印 必 究

中華民國二十五年六月初版

全部連布定價國幣玖元
第五本定價國幣玖角

外埠酌加運費匯費

編輯者

國立中央研究院歷史語言研究所

發行人

王 雲 五
上海河南路

印刷所

商務印書館
上海河南路

發行所

商務印書館
上海及各埠

平

明清史料目錄

乙編第五本

四百零一至五百葉

兵部行「御前發下遼東督師范志完題」殘稿

四〇二

兵部等部題「特議督師職銜」殘稿

四〇三

兵部題行「兵科抄出宣府巡撫江禹緒題」稿

四〇四

兵部行「清核九邊兵馬實數」稿

四〇六

兵部行「確察洪承疇死難欽件」稿

四〇九

兵部題「遼東督師范志完咨」稿

四一〇

禮部咨兵部文

四一一

兵科抄出遼東督師范志完題本

四一二

兵部題「彙報奉旨章奏行訖」殘稿

四一三

兵部行「兵科抄出宣大總督江題」稿

四一八

兵部題行「兵科抄出宣府巡撫李鑑題」稿

四一九

兵部題行「兵科抄出宣府巡撫李鑑題」稿

四二〇

兵部題「御前發下遼東巡撫黎玉田題」殘稿

四二一

兵部行「御前發下關遼督師范志完題」稿

四二三

覈餉必先清兵殘稿

四二四

兵科抄出宣府總兵羅俊傑奏本

四二七

兵部行「宣撫李鑑不勝衝邊重任」稿

四二八

兵部題行「御前發下遼東巡撫黎玉田題」稿

四二九

兵部行「厚募死士及借兌客標等情」殘稿

四三二

兵部題行「詰奸保甲最屬弭患首圖」稿

四三三

兵部行「御前發下刑科給事中光時亨題」稿

四三三

宣府巡撫李鑑塘報

四四

兵部行「兵科抄出兵科給事中方題」稿

四三五

吏科外抄吏部尙書鄭三俊等題本

四三八

兵部題行「御前發下刑科給事中光時亨題」殘

稿

四三六

兵部行「兵科抄出兵科給事中時敏題」稿

四四〇

兵部行「兵科抄出兵科給事中時敏題」稿

四四二

兵部行「兵科抄出刑科左給事中曾題」稿

四四三

兵部行「兵科抄出督捕員外郎巢岷源題」稿

四四三

兵科抄出兩關巡按衛周胤題本

四四四

兵部行「兵科抄出督察城守太監王承恩題」稿

四四五

兵部行「兵科抄出兵科給事中周而淳題」稿

四四七

兵部行「兵科抄出戶科給事中熊如霖題」稿

四四八

兵部行「兵科抄出河南道御史吳履中題」稿

四四九

兵部行「兵科抄出察理順德府屬城守李永茂題」

稿

四五〇

兵部題「兵科抄出察理河間府屬城守周而淳題」

稿

四五一

兵部題行「滄州知州羅燝塘報」稿

四五三

兵部行「兵科抄出京營總督吳惟英等題」稿

四五三

兵部行「兵科抄出察理真定府屬城守時敏題」

稿

四五四

兵部題行「兵科抄出真定巡按衛楨固題」稿

四五五

兵部題行「兵科抄出天津巡撫馮元颺題」稿

四七

兵部題「御前發下戶科給事中陳泰來題」稿

四八

兵科抄出遼東巡撫黎玉田題本

四九

兵科抄出宣府總兵羅俊傑奏本

五〇

兵部行「御前發下京營總督吳惟英題」稿

五一

兵部行「撥給兵將護送援餉至薊」稿

五二

兵部題行「兵科抄出吏部尙書鄭三俊等題」稿

五三

兵部行「兵科抄出察理廣平府屬龔鼎孳題」稿

五四

兵部行「兵科抄出東兗東路署總兵劉源清奏」稿

五五

兵科抄出兵科右給事中韓如愈題本

五六

兵科抄出禮科給事中申芝芳題本

五七

遼東巡撫黎玉田揭帖

五八

遼東巡撫黎玉田揭帖

五九

兵部題行「御前發下察理順天府屬城守郝綱題」稿

六〇

宣府總兵張登科塘報

六一

柳鎮總兵王世國揭帖

六二

挑選兵將聽祖澤溥決計解圍等情殘稿

六三

職方清吏司員外郎耿章光塘報

六四

兵部題「魯藩拒兵兇郡報陷」稿

六五

兵部行「兵科抄出察理廣平城守龔鼎孳題」稿

六六

兵部行「兵科抄出察辦勦虜事務吳履中題」稿

六七

兵部行「兵科抄出東兗東路署總兵劉源清奏」稿

六八

兵部題「山東巡撫王永吉塘報」稿

六九

兵部題「山西道御史李植題」稿

七〇

兵部題「兵科抄出山西道御史李植題」稿

七一

兵部題「兵科抄出山西道御史李植題」稿

七二

兵部題「兵科抄出山西道御史李植題」稿

七三

兵部行「援兵數萬曾未與奴一角」稿 四八四

兵部題行「山東巡按陳昌言塘報」稿 四八五

兵部行「本部題准山東巡撫王塘報」稿 四八七

關遼督師范咨兵部文 四八八

兵部題行「我兵正當乘虜情歸出奇迅掃」殘稿

四八九

兵部題「宣府巡撫李鑑塘報」稿 四九〇

兵部題「遼東巡撫黎玉田咨」稿 四九一

兵部題「御前發下遼東巡撫黎玉田題」殘稿

四九二

兵部行「御前發下察辦御史吳履中題」稿 四九五

兵部行「御前發下衡王奏」稿 四九六

兵部題行「御前發下協理海道宋獻奏」稿 四九七

兵部題行「奴衆已入絕地聖諭」稿 四九九

兵部題行「御前發下察辦兵科給事中郝綱題」

殘稿

明清史料

乙編第五本

四百零一至五百葉

兵部行「御前發下遼東督師范志完題」殘稿 行訖左府科書辦承

兵部爲遵旨密陳聯麗護海機宜仰祈聖鑒事職方清吏司案呈崇禎十五年六月初九日酉時奉本部送御前發下紅本該遼東督師范題稱本月二十七日接樞臣陳手書內開據塘報謂麗王差人九名送還留使且有望天兵助麗以卻奴之語二十日密奉上傳着督師速差人往麗以安其心速發水兵以示聯絡助麗之意若遇有送米送火器槍手與奴之船乘便卽駕砲打之或縱火焚之今特差官傳諭或仍發王武緯去以踐聯麗之約乎或另撥水師去以示助麗之威乎聯麗與護海兩者並重望速籌而力行之仍密奏可也切切等因到臣先是臣一到遼卽細察形勢籌度戰守切謂不先扼海口不足以固寧不厚集水師不足以防海當奴斷曹莊攻圍寧遠之日臣一面拒戰一面用關遼水師東防麗船西通糧草遂得以不窘旋聞奴有脅麗船謀奪海口之報臣慮切單薄嚴催登津水師其已到寧者津鎮止船六十餘隻登鎮止船百隻爲數甚少臣權宜分布更戒諭諸將於南北汛口三岔河筆架山一帶遠偵密哨設伏張疑爲所得爲固不遺餘力矣今樞臣密奉上傳着臣速差人往麗以安其心速發水兵以示聯絡助麗之意大哉聖謨旣堅屬國忠順之心又伐逆奴窺覬之念臣欽遵惟謹察前歲該國差來通信麗僧今改名李世忠尙在登鎮臣於月前欲得麗地情形蚤已調至軍前今此正可給文遣往隨令王武緯撥船二隻責差的當員役送之還國宣布皇上撫字小邦發兵聯絡德意已揚帆去訖然臣不敢勤遠略而忽近謀於是合四鎮水師通長打算除留叅將程時登

遊擊向明時等防覺華海口外議發戰船一百五十號官兵三千員名以副將王武緯先駕船五十號前導直抵麗界蓋武緯昨歲會到其境一應事機皆其熟悉次以總統副將劉應國并遊擊陳值等駕船五十號繼武緯而進爲中堅臣謂此行事體重大責任當專而應國屬有總統之權一切進止雖武緯熟諳還當聽其調度以歸畫一此外則沿島不可無聯絡哨防之兵也先年島中處處有兵可以接應今島已久清茫茫大海何從覓信臣按鴨綠江緊連大獐子島次則鹿島石城長山諸島東去大兵皆可駐泊再次爲廣鹿爲小平爲雙島爲南北汛口復以守備賈文亮沈邦清等共駕船五十號統以臣標聽用原任水營叅將龔有光繼應國而進爲後勁分布諸島往來遊哨東急則飛帆策應西急則還顧海口臣又申飭各將若果遇有送米送火器槍手與奴之船即便焚擊或更有可圖尤當相機行之則我之聲勢互通防援兼濟其於聯麗護海似兩者並重而併得之矣以上兵將該臣量行犒賞令其掛口候風次第東發外臣抑有進焉登津二鎮兵船原不足數今此撥發益見單虛且覺華見在築城防禦尤爲喫緊此不得不仰懇皇上勅下兵部立催鄭芝龍一旅併登津未到兵船星夜前來庶軍聲克壯哨防胥有賴矣等因奉御批覽奏遣使屬國及海兵前導中堅後勁分布哨防事宜具徵調度有法知道了水師委宜厚集所需閩鎮登津各兵著速催蚤到具奏兵部知道欽此欽遵恭捧到部送司除所需閩鎮登津水師卽差官飛催外案呈到部擬合就行爲此一咨

少船少兵

少船少兵

煩

希

遼撫黎
遠督范

煩

即

師（下缺）

兵部等部題「特議督師職銜」殘稿 行訖左府科書辦郎元振承

□□等部題爲特議督師職銜以重事權以張撻伐事職方清吏□案呈案崇禎十五年六月初八日奉本部送准吏部咨前事內開准本部咨奉御前發下紅本該本部尙書陳題稱炤得薊與遼向各有撫而共一督自去歲九月內因督與撫俱被圍該臣題爲時勢適值變通等事始議薊督不轄遼而遼止用一撫惟加以提督軍務字樣奉有依議行之旨後又以遼正用兵恐撫權不重又該臣部題爲欽奉聖諭事會議楊繩武任遼更加督師字樣仍兼撫銜等因節奉有楊繩武陞欽命督師總督遼東寧錦等處軍務兼巡撫地方之旨及至十五年三月內該遼督范志完題爲申明節制等事臣猶恐山永登津各撫鎮一瓢兩操中有未便止議以事關軍機者聽遼督節制等因節奉務期同心協力共禦奴氛功罪一體竝論不許執拘參差之旨總之因遼止一督故議論雖屬變通畢竟遼與薊各有所轄也至今日遼撫□□夫撫既復則兵馬器具錢穀刑名一撫任之有餘在遼督又安得株守一隅與遼撫畫地而守哉况督師重任手提尙方毋論遼薊有警皆當中外兼顧東西策援若職銜不定勅書不明恐不足以肅軍令而申節制臣謂督師宜改爲欽命督師總督薊遼昌通等處軍務兼理糧餉節制登津撫鎮水師字樣若□□遼事告急宜駐扎中後前屯一帶如關門有警即提兵星馳入關如三協有警即會同薊昌兩督併力策援除山永水師已屬統轄其登津撫鎮亦聽節制除各鎮刑名錢糧俱聽各該督撫按料理外督師一味提督軍機□□大小文武官員事關戰守機宜者皆聽督師察叅舉劾萬一陵京有防主客官兵俱聽調度庶幾事權畫一而節制分明驅虜搗巢計日可待事平之後議撤亦可如謂臣言不謬伏乞勅下吏部再將督師官銜職掌細加斟酌請改鑄印勅以便遵奉施行等因崇禎十五

年六月初六日奉御批遼鎮孤懸督師治兵辦虜兼統各鎮以資援勦自屬長策該部即會同吏部將官銜職掌節制事權詳議明確另本來行欽此欽遵恭捧到部送司案呈到部咨煩遵□□□明確以便會同奏奪等因到部送司案呈到部議炤得薊遼總督合而分分而合樞臣已井井題明矣議自樞臣明旨已□□策其所擬官銜即職掌節制事權於是□□本部無容末議惟是官有正兼事分經權必先正名而後言順事成按昌薊保原各有督今總則臨兼則匹且慮旁分關遼之力而代卸昌薊保之擔其銜□□□以總督關遼兼制昌薊通保登津為銜□□□事無事職掌節制事權等項宜一一載之於敕不必盡列之銜則官銜政體兩得之矣謬見如此不知當否事關會同自應兵部為政相應移咨為此合咨兵部煩為察炤具覆施行等因到臣該臣看得臣議遼東督師之改為總督薊遼昌通等處軍務兼節制登津撫鎮水師而未及於保者蓋以遼東為□□駐節之地萬一關門三協有倣即星馳入口□□□薊昌兩督併力策□□以拱衛陵京雖未及於保而有臨倣主客官兵俱聽調度等語□□如保宜各督登津各鎮皆應在調度之中矣今冢臣李慮恐旁分關遼之力而代卸昌薊保之擔議以總督關遼兼制昌薊通保登津為銜而於有事無事職掌節制事權等項宜一一載之於勅不必盡列之□□意□□□□為正而督昌薊□□保登津為兼庶昌薊通保登津各督撫不致諉卸遼督其意與臣同而計慮更周冢臣百官之長職掌自是明晰相應如冢臣之議仍祈勅下吏部覆請定銜然後移內閣撰敕禮部鑄印一刻千金不可遲也臣謹會同冢臣李日宣合詞具奏恭候聖裁定奪施行等因崇禎□□□六月初十日具題十三日申時奉聖旨督師改總督其薊督保督是否在統制之內是否妥確前旨著將職掌事權詳議明確這本內未見剖分畫一將來何以責成奉行着再行酌覈速奏欽此欽遵恭捧到部送司案

昌兵主守原有
不聽調之議

此督字似宜酌
之如不用即宜
入除三督外四
字于爲主字下

呈到部該臣等看得凡總督一官必有地方之責如薊督之轄三協宣督□□□昌督之轄州邑保督之轄三省是也凡□□□則專事征討無地方之責而有統率地方之權凡各督撫鎮皆聽節制即近口丁啓睿之勅書可察也臣初請遼督宜改爲欽命督師總督薊遼昌通等處軍務是薊昌二督皆在統制之內而後曰遼東督師之改爲總督薊遼昌通等處是改爲一字偶下之誤耳致煩是否妥確之駁臣滋□□如職掌事權未見剖分畫一臣請得而□□察范志完原止督師遼東而以督兼撫者也後以遼撫設而撫主守督主戰則職掌又分矣奴若犯遼督師專□遼是即其督遼事權也萬一奴或西犯或闖關或闖薊督師勢必入援以拱護陵京若不先加統率薊關通昌等處字樣則凡督若撫若鎮必呼之不應其何以明職掌而重事權而冢臣又□□遼爲正謂其平昔所轄兵馬錢糧□□□也有警入援則宜以昌薊通保登津爲兼謂其主客援兵皆聽其調度也兵既聽其調度則如薊督昌督□督皆在統率之中而遼【薊】與三協登津各撫所不待言【者】口宜稱兼撫宜稱制此冢臣所謂總則臨兼則匹此宜列之銜者也且如宣督入衛宣督【允】亦在統率之中【但】則又宜載之勅而不必列之銜者也【至】無事之日各鎮兵馬皆【聽其】得移文整練各鎮督撫皆【聽其】得移文【□□】綜核□□協恭和衷爲主凡各地方有□賊竊□□虜窺伺督師各與各督撫分罪此爲欽命督師之職掌臨敵之日除昌鎮守陵自不議調外各鎮【援】兵馬皆聽【其】便宜【指】調（口）（口）

【麾】度各聽督撫皆聽【其】便宜【調度】期會務以斬將奪旗爲主凡各圍撫鎮有抗違節制失悞軍機者督師得以飛章叅奏此爲欽命督師之事權至於督師之稱任與否又自有聖明之鑒裁不□此中□□□請以欽命督師總率關遼兼制昌薊通保登津爲銜可乎但不夷總督二字與各督同而督師之職掌事權自覺□分而畫一矣臣謹會

同吏部尙書臣李（下缺）

兵部題行「兵科抄出宣府巡撫江禹緒題」稿

收字九十五號有書冊有堂稿限初九日上七月十八日行乾宣府科書辦王世勳承

兵部題爲恭報修完欽工并用過錢糧及敘在事各官以示激勵事職方清吏司案呈崇禎十四年十二月十一日奉本部送兵科抄出宣府巡撫江禹緒題稱案照崇禎十三年八月二十六日准工部咨營繕清吏司案呈該本部題覆工科管理註銷事范給事中摘叅未完一件大同都司僉書甯龍奏爲封疆敗壞已極等事九年十二月二十四日奉聖旨這所奏及各款亦多切實着該部看議具覆據稱萬全左衛及長安嶺三年猶未議修并龍門城墻垣殘破低矮不堪巖邊衝要城堡豈容如此玩泄着督撫鎮道上緊料理制書准繕寫進覽該衙門知道欽此欽遵備咨在案又於崇禎十四年二月初十日准工部咨爲微臣巡閱中路略陳龍門城工事該本部覆前撫臣劉永祚題前事等因奉聖旨龍門城工遷延四年尙未鳩舉向來地方官料理何事卽着該督撫鼓勵紳氓多方輸助以勦厥役其協路軍夫所需二運該部作速解發用充舂鍤之資如用仍不敷着地方官極力搜括別行設處仍再確估經費實數具奏欽此該臣於本年四月內具有遵旨確估經費實數事奉聖旨該部知道欽此又於本年六月十六日准工部咨爲奏明分認欽工以免推延事該本部覆督臣張福臻題前事等因奉聖旨龍門長安工程該督撫既經分認仍責成江禹緒區畫鼓勵行膳房等處時絀固難舉盈邊地藩籬次第亦當鳩葺至於陵臺屯田已有成勞着俟城工完日一併敘錄以爲急公之勸欽此欽遵備咨到臣臣卽行該道上緊修築刻期報完外本年九月二十八日據分巡口北道朱壽鑒呈稱蒙此該前道節經通詳估議修築調集道屬協路城堡官軍俱以壓欠月餉借給倉糧餉口工完領餉買補業已詳允在案節行下北路中路通判叅將及中協副將督併修理去後本道自十四年四月抵任躬親督理今准中協副將張

二

巍手本會稱本職炤原派軍夫一千二百名內協營四百七十名各營堡七百三十名奉本道選定綜工委管守備宜承詔掌印寶光耀小委把總任萬英劉國寧等經管本職嚴督於十四年三月初一日興工起先行修築南面新城議加高闊土牆沿長二百九十丈并修磚砌虎尾埭口女牆塹頂自三月初一日起五月二十日止修築過新城西面自大城起至小南門止沿長一百二十二丈高闊如式并加砌截高外面虎尾及埭口女牆塹頂每十日一報在卷續蒙撫院察閱工程犒賞軍夫面諭上緊修築該本職當會本道暨通判舒紳叅將姜瑄并各委官將未修土牆一百六十八丈分作八工各委官員督修頭工本道委巡捕王國慶二工舒通判三工本職仍委中軍守備楊臣四工叅將姜瑄委把總任萬英五工綜工委官宣承詔把總宋偉六工綜工委官寶光耀巡捕郤鉞（鉞）七工守備指揮張所蘊旗鼓田世官八工委官劉國寧巡捕華君祝各分軍夫分頭修築另委指揮車佳胤隨征千總駱師孔燒取石灰有舒通判委經歷馬如龍監放米糧及委聽用千戶嚴維屏并本職委官汪濟衆於赤城宣府發運糧米本職同舒通判董率日每早晚輪流在工嚴督不期天雨連陰自五月中起至六月終旬或三日或五日連綿不息軍夫不能動手本職憂心如焚計此欽工終無了局必得於額數之外添撥壯丁再委敏練官員稍獲半日晴明悉皆協力幫造隨摘派本營前探千總指揮吳世傑何大有加銜守備袁肇泰帶領哨丁採打把婁把稍搬運運柴令親丁千總指揮陳爾韜潘安申安帶領親丁并各行門下人役裝窰出開運磚運灰復調右部守備程起龍把總張問謨措撥軍夫并力助修外又勸諭鄉紳舖戶四鄉村疇民餘各出驢頭馱土協助如議先將新工修完隨將大城四面炤依原議或拆或補務獲堅固而後委各官俱稱厥職有本道單騎督察仍委中軍郭騰蛟聽選主簿徐必隆晝夜在工督率又於議添修南城東西

三

面接大城敵臺二座馬道三條俱於八月三十日一併告竣後蒙撫院親閱犒賞間面諭新城已完東西南三面不可無樓各門議建城樓一座本職惟炤時日已促更值秋高前委各官俱有經管不能分身別任以悞己工必另得勤慎歷練之官董之庶厥事不悞耳復選原任坐營李珣隨征加銜守備張所慎賈蘭芳督夫採運木植燒造磚瓦備辦物料已經修完二滴水城樓三座脊高二丈蓋完四角望房四間悉皆巍峩高廠雄壯金湯在本職原有專責若非總督督餉撫按巡守道鎮不時督察賞犒鼓勵并通判推官路屬躬冒寒暑咸捐犒資及衆委之胼手胝足勞怨不辭軍夫千餘不費帑金自食應得糧米則所議七月零二十一日之工方六月而通完更於原議之外添修敵臺馬道城樓望房尚有節省節曠之工一十二萬有奇此巨大之工其何能告竣如此其速也至于總督中軍劉芳譽旗鼓莊子顧巡捕守備李承胤撫院中軍葛汝芝旗鼓盧進按院巡捕何應智鄒一桂督餉中軍林世昌旗鼓王杞總鎮中軍許國衡皆奉諸上憲檄催督不避嫌怨指示悉中肯綮（案）本道巡捕等官劉應運馬錦諸弘度竇汝達守道聽用守備張師聖時勤密察更能宣布上意勸勉諸軍守備操防王九成張邦教劉九疇孔胤奇郭君都李光泰信汝傑孫洪猷王基各助軍夫共勦厥事賦運糧米以濟饑軍咸有裨於工事其勞績亦似不可泯者今據綜工委官宣承詔竇光耀開報修完工程丈尺并用錢糧數目到職又准中路通判舒紳會開各項捐助銀兩數目擬合會報等因到道准此復行中路通判舒紳察覈去後續據本官呈稱與前無異據此看得中路龍門城當北路扼中居要之衝南面新城披場低窄不堪捍衛因議增葺高堅以壯崇墉實今四事中之首務也向以錢糧不敷軍力未齊致稽興修至今崇禎十四年蒙三院題請舉行不動官鑑摘撥軍夫日給鹽菜口糧通力合作百堵皆興不避暑雨苦勞刻（口）修築以欽限七月有餘之

五

工程甫六月而報竣矣。又於原議之外添建城樓敵臺望房馬道并補修大城四面圯缺城牆煥然堅完。又報節省截曠扣庫何莫非共事各官急公之念也是役也蒙三院餉部慮切封疆謀深桑土多方鼓勵倡捐助工。又蒙督撫不時察閱捐牒本道與糧廳協路各委身親董督承風捐助兼有羣工百執分猷宣力各效勤勞不然浩大工程安能告成若是之速覆加察核完堅如式資捍衛而壯金湯匪細也。前任巡道今陞守道李鑑擘畫已杼經始訖謨直運垂成中協副將張巍受成原有專責經營獨擅首功中路通判舒紳轉運餽工不乏督修用力尤深葛峪路叅將姜瑄派夫不辭勞怨報完克著精勤戶部分司董郎中發餉以濟軍理刑推官吳孳昌捐金以助修均稱誼切同舟督標中軍劉芳譽旗鼓莊子顧巡捕李承胤督餉中軍林世昌旗鼓王杞撫標中軍葛汝芝旗鼓盧進按院巡捕何應智鄒一桂總鎮中軍許國衡或傳宣以效勞或贊資而襄事均應加敘以酬其功。前道綜委宣承詔掌印指揮寶光耀本道委官王國慶與協路分委守備千把總等官楊臣張所蘊任萬英劉國寧張問謨張所慎等胼胝不遺餘力經修更任苦勞本道中軍郭騰蛟候選主簿徐必隆巡捕劉應運旗鼓馬錦諸弘度寶汝達張師聖等宣布能承上意督催各竭勤劬各應從優敘勸經歷馬如龍守備指揮千把總車佳胤邵鉉宋偉田世官華君祝駱師孔嚴維屏汪濟衆吳世傑何大有袁肇泰陳爾韜潘安申安程起龍趙任李珣賈蘭芳等或協力助修或採辦物料紀錄均宜遍及又如本路守備操防閩師周王九成張邦教劉九疇孔胤奇郭君都李光泰信汝傑孫洪猷王基各助軍夫共成厥工勞績亦不可泯已經本道另行獎賞示勸外至于本道經理祇受上成完工下資衆力且于職分當然不敢居功勞也等因在案。又於本年九月二十九日據該道呈報修完長安嶺工程丈尺并用過錢糧捐助銀兩以及在事各官姓名數目緣繇除長嶺城工

六

督臣已經具題外所有龍門城工復行該道確察今據分巡道朱壽鑿復詳緣繇到臣該臣看得保民急務莫先於固圉修防安內良圖莫大於興衰起廢龍門城當中北要地兼逼許楊二衝七年虜騎狂逞幸未得志然而舊城傾圯新城淺窄覺瑕可憂守禦良苦向來屢議修舉止以物力匱詘竟成築舍乃當明旨責成之後正值微臣受事之始因巡閱該城面與陞任道臣李鑑及副將張巍等殫心籌算竭力區畫計米計銀計工計日約用食米鹽菜臣前疏已經題明原期八閱月可以竣事而今工告成矣舊城煥然新城鼎峙城樓增所未有敵臺概與重新屈指僅六月耳其原議食米二千五百餘石今節省至四百有奇至原議鹽菜之二千五百今第取之節曠捐輸曾未動公帑分毫而且存有節省千金矣以如是之工煩費重而乃如是之費省工堅且先期樂成也此則從來版築未有之事而諸臣之敬事急公自應破格顯酬以作將來任事之勸者請得而分別陳之如原任巡道李鑑搜括幾費心血派撥罔恤恩怨見任巡道朱壽鑿清釐與賞賚交勤勸相與督催並至副將張巍拮据不辭胼胝察催實廢寢食三臣特著勤勞所當優加職級者也至如餉司董琬督餉中軍林世昌厝餉及時中路通判舒翀調停出納理刑推官吳孳昌察飭精嚴叅將姜文惠併力興作所當酌量加級者也中軍劉芳譽葛汝芝許國衡旗鼓莊子顧王杞盧進王基巡捕李承胤何應智鄒一桂委官宣承詔寶光耀王國慶奔走稽察宵有成勞相應優錄其在事各官楊臣張所蘊任萬英劉國寧張問謨張所慎郭騰蛟徐必隆劉應運馬錦諸弘度寶汝達張師聖馬如龍車佳胤邵鉉宋偉田世官華君祝駱師孔嚴維屏汪濟衆吳世傑何大有袁肇泰陳爾韜潘安申安程起龍趙任李珣賈蘭芳閻師周王九成張邦教劉九疇孔胤奇郭君都李光泰信汝傑孫洪猷宣力維均所當一體紀錄者也其地方好義紳民備行該道獎勵外至於督臣張福臻憂勞